

懲加之也吾以斯故不說戒經自今以往更相檢率以十五日會說戒經諸比丘起爲佛作禮

海八德經

四十二章經序

辭

昔漢孝明皇帝夜夢見神人身體有金色項有日光飛在殿前意中欣然甚悅之明日問群臣此爲何神也有通人傅毅曰臣聞天竺有得道者號曰佛輕舉能飛殆將其神也於是上悟即遣使者張騫羽林中郎將秦景博士弟子王遵等十二人至大月支國寫取佛經四十二章在第十四石函中登起立塔寺於是道法流布處處修立佛寺遠人伏化願爲臣妾者不可稱數國內清寧含識之類蒙恩受賴于今不絕也

四十二章經

後漢沙門迦葉摩騰共竺法蘭譯

佛言辭親出家爲道名曰沙門常行二百五十戒爲四眞道行進志清淨成阿羅漢者能飛行變化住壽命動天地次爲阿那含阿那含者壽終魂靈上十九天於彼得阿羅漢次爲斯陀含斯陀含者一上一還即得阿羅漢

次爲須陀洹須陀洹者七死七生便得阿羅漢愛欲斷者譬如四支斷不復用之

佛言除鬚髮爲沙門受道法去世資財乞求取足日中一食樹下一宿慎不再矣使人愚弊者愛與欲也

佛言衆生以十事爲善亦以十事爲惡身三

口四意三身三者殺盜婬口四者兩舌惡罵妄言綺語意三者嫉恚癡不信三尊以邪爲貞優婆塞行五事不懈退至十事必得道也佛言人有衆過而不自悔頓止其心罪來歸身猶水歸海自成深廣矣有惡知非改過得善罪日消滅後會得道也

佛言人愚吾以爲不善吾以四等慈護濟之重以惡來者吾重以善往福德之氣常在此也害氣重殃反在于彼有人聞佛道守大仁慈以惡來以善往故來罵佛默然不答愍之癡冥狂愚使然罵止問曰子以禮從人其人不納寶禮如之乎曰持歸今子罵我我亦不

納子自持歸禍子身矣猶響應聲影之追形

終無免離慎爲惡也

佛言惡人害賢者猶仰天而唾唾不汙天還汙己身逆風坌人塵不汙彼還坌于身賢者不毀禍必滅已也

佛言夫人爲道務博愛博哀施德莫大施守

志奉道其福甚大覩人施道助之歡喜亦得福報質曰彼福不當減乎佛言猶若炬火數千百人各以炬來取其火去熟食除冥彼大如故福亦如之

佛言飯凡人百不如飯一善人飯善人千不如飯持五戒者一人飯持五戒者万人不如

飯一湏陁洹飯湏陁洹百万不如飯一斯陀含飯斯陀含千万不如飯一阿那含飯阿那含一億不如飯一阿羅漢飯阿羅漢十億不如飯辟支佛一人飯辟支佛百億不如以三尊之教度其一世二親教親千億不如飯一佛學願求佛欲濟衆生也飯善人福最深重凡人事天地鬼神不如孝其親矣二親最神也佛言天下有五難貧窮布施難豪貴學道難利命不死難得覩佛經難生值佛世難有沙門問佛以何緣得道奈何知宿命佛言道無形知之無益要當守志行譬如磨鏡垢去明在即自見形斷欲守空即見道真知宿命矣

佛言何者爲善惟行道善何者最大志與道合大何者多力忍辱最健忍者無惡必爲最尊何者最明心垢除惡行滅內清淨無瑕未有天地逮于今日十方所有未見之萌得無不知無不見無不聞得一切智可謂明乎

佛言人懷愛欲不見道譬如濁水以五彩投

其中致力枯之衆人共臨水上無能覩其影者愛欲交錯心中爲濁故不見道水澄穢除清淨無垢即自見形猛火著釜下中水湧躍以布覆上衆生照臨亦無覩其影者心中本有三毒踊佛在內五蓋覆外終不見道惡心垢盡乃知魂靈所從來生死所趣向諸佛國

土道德所在耳

佛言夫爲道者譬如持炬火入冥室中其冥即滅而明猶存學道見諦恩癡都滅得無不見佛言吾何念念道吾何行行道吾何言言道吾念諦道不忘須臾也

佛言觀天地念非常觀山川念非常觀方物

形體豐熾念非常執心如此得道疾矣

佛言一日行常念道行道遂得信根其福無量佛言熟自念身中四大名自有名都爲無吾

我者寄生亦不久其事如幻耳

佛言人隨情欲求華名譬如燒香衆人聞其香然香以熏自燒愚者貪流俗之名譽不守

道真華名危已之禍其悔在後時

佛言財色之於人譬如小兒貪刀刃之蜜甜不足一食之美然有截舌之患也

佛言人繫於妻子寶宅之患甚於牢獄桎梏即當牢獄有原赦妻子情欲雖有虎口之禍已猶甘心投焉其罪無赦

佛言愛欲莫甚於色色之爲欲其大無外賴有一矣假其二普天之民無能爲道者

佛言愛欲之於人猶執炬火逆風而行患者不釋炬必有燒手之患貪姪恚怒恩癡之毒處在人身不早以道除斯禍者必有危險猶愚僉執炬自燒其手也

天神獻玉女於佛欲以試佛意觀佛道佛言革囊衆穢余來何爲以可斯俗難動六通去吾不用余天神踰敬佛因問道意佛爲解釋即得須陀洹

佛言夫爲道者猶木在水尋流而行不左觸岸亦不右觸岸不爲人所取不爲鬼神所遮

不爲迴流所住亦不腐敗吾保其入海矣人爲道不爲情欲所惑不爲衆邪所誑精進無疑吾保其得道矣

佛告沙門慎無信汝意意終不可信慎無與色會與色會即禍生得阿羅漢道乃可信汝意耳

佛告諸沙門慎無視女人若見無見慎無與言若與言者勑心正行曰吾爲沙門處于濁世當如蓮華不爲泥所汙老者以爲母長者以爲姊少者如妹幼者如女敬之以禮意殊當諦惟觀自頭至足自視內彼身何有惟盛惡露諸不淨種以釋其音矣

佛言人爲道去情欲當如草見大火來已却道人見愛欲必當遠之

佛言人有患姪情不止踞斧刃上以自除其陰佛謂之曰若斷陰不如斷心心爲功曹若止功曹從者都息邪心不止斷陰何益斯須即死佛言世俗倒見如斯癡人有姪童女與

彼男誓至期不來而自悔曰

欲吾知尔本 意以思想生 吾不思想尔即尔而不生

佛行道聞之謂沙門曰記之此迦葉佛偈流在俗間

佛言人從愛欲生憂從憂生畏無愛即無憂

不憂即無畏

佛言人爲道譬如一人與万人戰被鉗操兵出門欲戰意怯膽弱乃自退走或半道還或格鬪而死或得大勝還國高遷

夫人能牢持其心精銳進行不惑于流俗狂愚之言者欲滅惡盡必得道矣

有沙門夜誦經甚悲意有悔疑欲生思歸佛呼沙門問之汝處于家將何修爲對曰恒憚琴佛言絃緩何如曰不鳴矣絃急何如曰聲絕矣急緩得中何如諸音普矣佛告沙門學道猶然執心調適道可得矣

佛言夫人爲道猶所鍛鐵漸深棄去始成器

必好學道以漸深去心垢精進就道暴即身
疲身疲即意惱意惱即行退行退即修罪

佛言人爲道亦苦不爲道亦苦惟人自生至
老自老至病自病至死其苦無量心惱積罪

生死不息其苦難說

佛言夫人離三惡道得爲人難既得爲人去

女即男難既得爲男六情完具難六情且具

生中國難既處中國值奉佛道難既奉佛道
值有道之君難生菩薩家難既生菩薩家以
心信三尊值佛世難

佛問諸沙門人命在幾間對日在數日間佛

言子未能爲道復問一沙門人命在幾間對

曰在飯食間去子未能爲道復問一沙門人
命在幾間對曰呼吸之間佛言善哉子可謂

爲道者矣

佛言弟子去離吾數千里意念吾戒必得道

在吾左側意在邪終不得道其實在行近而
不行何益万分耶

佛言人爲道猶若食蜜中邊皆甜吾經亦尔
其義皆快行者得道矣

佛言人爲道能拔愛欲之根譬言如摘懸殊一
一摘之會有盡時惡盡得道也

佛言諸沙門行道當如牛負行深促中疲極
不敢左右顧趣欲離泥以自蘇息沙門視情

欲甚於彼泥直心念道可免衆苦

佛言吾視諸侯之位如過客視金玉之寶如
礫石視蠶素之好如弊帛

四十二章經上

辭

四十二章經下

辭

火巨上音瑕追柱桔上音質下原赦舍下音革囊
王下能踞魚既反

殆待張騫上去乾空蒲闕炬

下音質下昔劫反

原赦舍下丁最反

下音質下正作操

怯瞻下丁亂反

搭闢上古反銳羊歲弦綏上作絃下金銀丁亂完

下音質下正作操

怯瞻下丁亂反

下音質下正作操

怯瞻下丁亂反

咤音去廁豫上初使反又音預雜間醜音溢夷只

法海經

下音質下正作操

怯瞻下丁亂反

下音質下正作操

海人德經

潤胡正胡
雨林上音作圖注洋上烏荒反
榮交紓定質亮下力向反
果講入流一計
也

佛說柰女耆域因緣經

後漢三藏法師安世高譯

辭八

如是我聞一時佛在羅閱祇國與大比丘千二百五十人俱善薩摩訶薩天龍八部大衆集會說法時世人民施者無量有一貧人惟有一爛壞手巾意欲布施懼此物惡猶豫未

乙

魏刊

汝余時坐中有一比丘尼名曰柰女即從座起整服作禮長跪叉手白佛言世尊我自念先世生波羅柰國爲貧女人時世有佛名曰迦葉時與大衆圍遶說法坐聞經歡喜意欲布施顧無所有自惟貧賤心用悲感詣他園圃求乞果蔬當以施佛時得一柰大而香好擎一盂水并柰一枚奉迦葉佛及諸衆僧佛知至意呪願受之分布水柰一切周普緣此福祚壽盡生天得爲天后下生世間不由胞胎九十一劫生柰華中端正鮮潔常識宿命今值世尊開示道眼余時柰女以偈頌曰三尊慈潤普慧度無男女水果施弘報